



ՀԱՅԱՍՏԱՆԻ ՀԱՆՐԱՊԵՏՈՒԹՅԱՆ
ՊԵՏԱԿԱՆ ԵԿԱՄՈՒՏՆԵՐԻ ԿՈՄԻՏԵ

ք. Երևան, Ա. Դավթի 87Ա

«14» դեկտեմբեր 2018թ.

ՈՐՈՇՈՒՄ N 4738/06-Ա

ԶԿԱՏԱՐՎԱԾ ՀԱՐԿԱՅԻՆ ՊԱՐՏԱՎՈՐՈՒԹՅՈՒՆՆԵՐԸ ԳԱՆՁԵԼՈՒ ՄԱՍԻՆ

Հայաստանի Հանրապետության պետական եկամուտների կոմիտեի իրավաբանական վարչության պետ Ա. Մնացականյանս քննարկելով <<ՎԻԴԱՍ ՄԵԴԻԱ>> ՍՊԸ-ի վերաբերյալ վարչական վարույթի նյութերը

ՊԱՐԶԵՑԻ

Համաձայն հարկային մարմնում առկա անձնական հաշվի քարտի տվյալների <<ՎԻԴԱՍ ՄԵԴԻԱ>> ՍՊԸ-ի (ՀՎՀՀ՝ 02256986, հասցե՝ ք. Երևան, ՆՈՐԱԳՅՈՒՂ 139 ք., պետ. գրանցման համար՝ 290.110.772491) չկատարված պարտավորությունը 15.11.2018 թվականի դրությամբ կազմել է 675.965 դրամ, որից ապառք՝ 478.843 դրամ, տույժ՝ 195.347 դրամ, տուգանք՝ 1.775 դրամ:

Վերոնշյալ պարտավորության մասով Հայաստանի Հանրապետության պետական եկամուտների կոմիտեի իրավաբանական վարչությունում, համաձայն «Վարչարարության հիմունքների և վարչական վարույթի մասին» ՀՀ օրենքի 30-րդ հոդվածի 1-ին մասի, հարուցվել է վարչական վարույթ <<ՎԻԴԱՍ ՄԵԴԻԱ>> ՍՊԸ-ի չկատարված հարկային պարտավորությունները գանձելու վերաբերյալ վարչական ակտ ընդունելու նպատակով, որի մասին հարկ վճարողը 16.11.2018 թվականին ՀՀ ինտերնետով ծանուցման պաշտոնական կայքում տեղադրելու միջոցով պատշաճ կերպով ծանուցվել է, սակայն չի ներկայացել վարույթին մասնակցելու համար և նշվածի վերաբերյալ որևէ առարկություն, բացատրություն չի հայտնել:

Արդյունքում սույն որոշմամբ գանձման ենթակա օրենքով սահմանված ժամկետում չկատարված հարկային պարտավորությունը կազմում է **675.965** դրամ, որից

Եկամտային հարկի գծով պարտավորությունը կազմում է 399.586 դրամ, որից ապառք՝ 296.543 դրամ, տույժ՝ 101.268 դրամ, տուգանք՝ 1.775 դրամ, որն առաջացել է 2016 թվականի դեկտեմբերից 2018 թվականի ապրիլ ամիսների հաշվարկներից, իրավահարաբերության պահին գործող <<Հարկերի մասին>> ՀՀ օրենքի 23-րդ հոդվածի համաձայն հաշվարկված տույժերից և ՀՀ հարկային օրենսգրքի 401-րդ հոդվածի համաձայն հաշվարկված տույժերից, ինչպես նաև 2017 թվականի նոյեմբեր ամսվա հաշվարկը սահմանված ժամկետից ուշ ներկայացնելու հետևանքով իրավահարաբերության պահին գործող <<Հարկերի մասին>> ՀՀ օրենքի 24-րդ հոդվածի համաձայն հաշվարկված տուգանքից:

Շրջանառության հարկի գծով պարտավորությունը կազմում է 276.378 դրամ, որից ապառք՝ 182.300 դրամ, տույժ՝ 94.078 դրամ, որն առաջացել է 2016 թվականի 4-ից 2017 թվականի 2-րդ եռամսյակների հաշվարկներից, իրավահարաբերության պահին գործող <<Հարկերի մասին>> ՀՀ օրենքի 23-րդ հոդվածի համաձայն հաշվարկված տույժերից և ՀՀ հարկային օրենսգրքի 401-րդ հոդվածի համաձայն հաշվարկված տույժերից:

Գանձման ենթակա չկատարված պարտավորության նկատմամբ ՀՀ հարկային օրենսգրքով սահմանված կարգով և չափերով հաշվարկվում են տույժեր, որոնք ենթակա են կատարման մինչև

սույն որոշման կատարման օրը՝ ՀՀ հարկային օրենսգրքով կամ օրենքով սահմանված կարգով հաշվարկված տույժերի հետ միասին:

ՀՀ հարկային օրենսգրքի 4-րդ հոդվածի 1-ին մասի 1-ին կետը սահմանում է, որ հարկը պետական և (կամ) հասարակական կարիքների բավարարման նպատակով Հայաստանի Հանրապետության պետական և (կամ) համայնքների բյուջեներ վճարվող պարտադիր և անհատույց գումար է, որը վճարվում է հարկ վճարողների կողմից՝ Օրենսգրքով սահմանված կարգով, չափերով և ժամկետներում: Համաձայն <<Հայաստանի Հանրապետության 2018 թվականի պետական բյուջեի մասին>> ՀՀ օրենքի՝ ՀՀ պետական բյուջեի եկամուտների հիմնական աղբյուրը հարկային եկամուտներն ու պետական տուրքերն են, որոնց հավաքագրման շնորհիվ են կատարվում սույն օրենքով նախատեսված հանրային, պաշտպանության, հասարակական, անվտանգության, դատական գործունեության և այլ ոլորտներում նախատեսված ծախսերը: Նշվածից ելնելով և հաշվի առնելով հարկային պարտավորությունների գանձման կարևորագույն հանրային նշանակությունը՝ **սույն որոշումը ենթակա է անհապաղ կատարման:** Սույն որոշումը անհապաղ չկատարելը բավարար հիմք է տալիս ենթադրելու, որ հարկ վճարողը կարող է թաքցնել, փչացնել կամ սպառել հարկային մարմնի ընդունած իրավական ակտի կատարման համար անհրաժեշտ գույքը, ինչի արդյունքում հարկային մարմնի ղեկավարը ՀՀ հարկային օրենսգրքով սահմանված կարգով իրավունք ունի հարկ վճարողի գույքի վրա արգելանք դնելու մասին հանձնարարագիր հրապարակել:

Վերոգրյալի հիման վրա, ղեկավարվելով ՀՀ հարկային օրենսգրքի 4-րդ հոդվածի 1-ին մասի 64-րդ, 66-րդ կետերով, 398-րդ հոդվածի 5-րդ և 7-րդ մասերով, <<Հարկային ծառայության մասին>> ՀՀ օրենքի 4-րդ հոդվածի 9-րդ մասով և <<Վարչարարության հիմունքների և վարչական վարույթի մասին>> ՀՀ օրենքի 55, 56, 58, 88 հոդվածներով՝

ՈՐՈՇԵՑԻ

1. <<ՎԻԴԱՍ ՄԵԴԻԱ>> ՍՊԸ-ից գանձել 675.965 դրամ պարտավորության գումար:
2. Սույն որոշումն օրենքով սահմանված ժամկետում անբողոքարկելի դառնալուց հետո ուղարկել կատարման ՀՀ ԱՆ ՀԿ ծառայություն:
3. Որոշման օրինակը եռօրյա ժամկետում ուղարկել հարկ վճարողին:
4. Սույն որոշումն ուժի մեջ է մտնում այն հարկ վճարողի էլեկտրոնային փոստի հասցեին ուղարկելու կամ Հայաստանի Հանրապետության հրապարակային ծանուցումների պաշտոնական ինտերնետային կայքում տեղադրելու օրվան հաջորդող օրվանից:
5. Սույն որոշումը կարող է բողոքարկվել վարչական մարմին, կամ վերադաս վարչական մարմին՝ «Վարչարարության հիմունքների և վարչական վարույթի մասին» ՀՀ օրենքի 70-րդ և 71-րդ հոդվածներով սահմանված կարգով՝ ուժի մեջ մտնելու օրվանից երկամսյա ժամկետում կամ ՀՀ վարչական դատարան:

ԻՐԱՎԱԲԱՆԱԿԱՆ
ՎԱՐՉՈՒԹՅԱՆ ՊԵՏ



Handwritten signature in blue ink.

Ա. ՄԱՅԱԿԱՆՅԱՆ

Ստացա որոշման օրինակը

ստորագրություն

հարկ վճարողի /կամ ֆիզ. Անձի/ պաշտ անձի անուն ազգանուն

ամսաթիվ